

+H

corpus: ReF.MLU

language-area: schwäbisch

language-region: westoberdeutsch

language-type: oberdeutsch

genre: P

medium: Handschrift

time: 14,2

reference: Hs.: Blatt (r/v), Kolumne (a/b), Zeile

corpus-sigle: F113, I-Bc-P2,H

text: Das rote Buch der Stadt Ulm

text-author: -

text-type: RG (Rechts- und Geschäftstexte; Stadtbuch)

assignment\_quality: -

hoffmann\_wetter\_nr: -

library: Staatsarchiv Ludwigsburg

library-shelfmark: B 207 Bü 49

date: 1376

place: -

text-place: Schreibort: Ulm

printer: -

edition: Mollwo, Carl: Das rote Buch der Stadt Ulm. Stuttgart 1905.

size: -

language: fnhd

literature: -

notes-transcription: - transkribiert wird nur der "Schreiber von 1376" (Bezeichnung lt. Edition); - Marginalien am Rand neben den Artikeln v.a. schwer entzifferbare römische Zählung und einzelne Wörter - sind alle von späterer Hand; - Zählung der Absätze am rechten Rand in römischen Zahlen, scheinbar von späterer Hand und mit anderer Tinte; - Initialien der Artikel sind z. T. auch in Kleinschreibung; - Hand findet sich erstmalig auf 4r / lt. Edition 1a (Blätter davor in römischer Zählung); - eingefügte Satzzeichen folgen der Edition, allerdings werden nach Bedarf weitere vom Bearbeiter eingefügt; - bei römischen Jahreszahlen - überschrieben mit Gradzahlen - umgesetzt als ; - über Vokalen, allerdings meist über u, kleine senkrechte Striche (die übrigens C.M. in seiner Edition auch umsetzt) - umgesetzt als x; - zur Edition;; - es wurden nur die Absätze (oder Abschnitte) bearbeitet, die von C.M. als "Hand von 1376" gekennzeichnet sind (sollten dem Bearbeiter hierbei Diskrepanzen auffallen, wird dies im Header vermerkt); - einige Kommas zusätzlich zur Punktierung der Edition eingefügt; - C.M. ignoriert im Allgemeinen y und setzt diese direkt als i um; - ebenso verfährt er mit doppelten Konsonanten - diese setzt er im Allgemeinen als einfache Konsonanten; - halbhohe Virgel in F113-011r,18 und F113-011r,19 - umgesetzt als „;“; F113-011r,23; F113-011r,25; F113-013r,04 und 05, 06; F113-015r,16; F113-020v,09, 11; F113-021r,04; - die einzelnen Absätze haben zu Anfang eine rote Initialie, die im Normalfall über 2 Zeilen geht; - Ausnahme: F113-020v,06 (2. Abs. der Seite) hat eine Initialie, die nicht rot ist und nur die Größe eines Großbuchstabens erreicht; - im allgemeinen ist die Rückseite eines Blattes nicht beschrieben; - 19v ist von oben bis unten kreuzweise gestrichen - wahrscheinlich und scheinbar von anderer Hand, außerdem unterscheiden sich die Initialien von den vorhergegangenen Blättern in Stil und Größe; - F113-023r - der zweite Abs dieser Seite ist durch zwei diagonale Striche gestrichen - es ist unklar ob von der "Hand von 1376" oder von einer anderen Hand (verwendete Tinte scheint die zu sein mit der die Überschrift nachgetragen wurde; - ebenso wurde F113-040r,07-11 mit drei diagonal geführten Linien gestrichen; - F113-020r,21 - Teilstück der Zeile = ursprünglicher Text durch Rasur getilgt und mit späterer Hand überschrieben - umgesetzt als \*[\*] mit K-Klammer; - F113-020r,22 einzelne rot geschmückte Lombarde; - abweichende Abkürzung / drei Buchstaben über deren gesamte Länge ein senkrechter Strich (wie Nasalstrich): F113-035r,10 hln-(,) +K hln-(,): üdZ, lt. Ed. C.M. Abk für hallern, die drei Buchstaben mit einem längeren Strich über die gesamte Breite @K = ähnlich einer lat. Abk.  $\wedge$ ; - Zweiter Absatz auf Blatt 39r (ab F113-039r,06) - an mehreren Stellen dieses Absatzes wurde die ursprüngliche Schreiberhand durch Rasur entfernt und von einem anderen späteren Schreiber überschrieben 7 diese Korrekturen wurden nicht in den Text aufgenommen aber durch K-Klammern kenntlich gemacht; - Abk überdenken: F113-043r,04 burg'm-r'(',') +K burg'm-r'(',') : andere Abk - burg'mai\$t' dürfte gemeint sein @K

abbr\_ddd: BuUlm

extent: FnhdC: -; compl: Bl. 4r-55r (nur Textpassagen der "Hand von 1376")

extent-size: FnhdC: -; compl: 11.317 WF

@H

F113-004r,01 Wir div Gemainde der antwerk ze Vlme veriehen offentlich mit disem brieff Wan sich die burger hie ze Vlme die nit der antwerk sint erkent hant daz vnfrid vnd vnzuht ane der Gemaind gebott vnd gesetzt nyeman wol gestillen noch geschlichten mag darumb hant die burger zuo geuarn die nit der antwerk sint mit guotem friem willen vnberwungenlich vnd hant hinder vns gemain antwerk lut / zuo den hailigen gelert ayde gesworn mit vf erbotten handen stett ze halten vnd ze haben vngeuarlich waz wir erdenken kunnen vnd mugen dauon fruntschaft zuht vnd fride richen vnd armen Gemainlich bekommen mag / Vnd dez ouch wir div gemainde der antwerk den burgern hin wider ouch gelert ayd gesworn haben daz wir alle die weg vinden suochen vnd erdenken sullen / die wir wissen vnd vns entstanden vngeuarlich / da von frid vnd gnad richen vnd . armen Gemainlich bekommen mag vnd damit wir veraint lut werden mugen vnd vnstoizzig furbaz riche vnd arm beliben by dem ersten so haben wir gesetzt vff die ayde die die burger vnd ouch wir gesworn hant daz alle burger ze Vlme Rych vnd arm vmb alle bruch vint schaft vnd stoezz die sich vntz vff diz zit ergangen hant vnd be

F113-004r,02 schehen sint guot frund vnd luter frund sullen sin / vnd allen hasse vnd vint

F113-004r,03 schaft gentzlich hin sullen legen vnd daz mit dehainen sachen nit nuren noch Efern / Wer daz aber vber fuer daz den merren tail dez rartz ducht daz er schuld hett der sol vnd muoz zehenTusent ziegelstain an die stat geben vnd ainen Manod von der stat sin / Welher aber der ziegelstain nicht gehan moecht der sol in die stat nymer komen E daz er die ziegelstain gericht hat / Erkent sich aber der mertail dez Ratz daz er vnschuldig sy So sol man sinen ayd dafur nemen Wir haben ouch gesetzt daz haimlich puntnuzz vnd alle puntnzz ane die alle burger Gemainlich angand hie ze Vlme die vntz vff diz zit ie geschehen sint mit brieffen mit gelubden oder mit ayden oder ane brieff oder ane ayde gentzlichen ab sien vnd nymer me geaefert noch gedacht sullen werden vnd wer bruchig daran funden wurde daz der mertail dez Ratz sich erkanten daz er schuldig wer / der sol vnd muoz funfzigTusent ziegelstain an die stat geben vnd ain Jar von der stat sin Vnd welher daz nit gehan moecht der sol vnd muoz ain mile von der stat ewiglich sin vntz er daz geriht hat Vnd welher in ainer mile vmb die stat ergriffen wurde den sol man handeln vnd han alz ainen vberseiten schedlichen man Wir haben ouch me gesetzt daz ain ieglich burger ze Vlme vff den ayd den er gesworn hat offnen vnd erindern sol den Rat ane furzog Wa er von yeman angemuotet wurde dehainer besundern buntnuzz oder wa yeman von dem andern er sy der burger oder der antwerk dehainer besunder puntnuzz ge

F113-004r,04 war wurde der sol daz ouch ane furzog an den Rat bringen Vnd sol sich ouch dehain burger ze Vlme gen nieman nichtz verbinden ane dez merrentail dez Ratz willen vnd haissen Wer daz vber fuer vnd daran funden wurde alz vor ist geseit der hat die pene vmb die funfzigTusent ziegelstain verschuldet in dem vorgeschriben rechten Wir haben ouch me gesetzt Wer danach stalti mit worten oder mit werken haimlich oder offentlich dauon ain nuwerung vnd ain endrung besche

F113-004r,05 hen moecht vnd dauon dem gedignen vnd der stat kubernuzz vnd arbit wahsen vnd vf stan moecht Welher daz yendert hort merkt sicht oder vernimpt Er sy dez Ratz oder vsserhalb dez Ratz der sol daz vnurrogenlich vff den ayd den ieglicher gesworn hat dem Rat oder den aynger kunden vnd sagen vnd waz denne der Rat oder der mertail darumb bekenkent vnd ze rat werden daz sol aller menglich Rich vnd arm beholffen vnd bigestendig sin Wir haben ouch durch luter guot gesetzt welh burger hie ze Vlme der stat schaden wurde mit worten oder mit werken ez wer von heren wegen oder von ander lut wegen oder von wem daz wer / vnd wir daz von waren schulden gewar vnd erindert wurden dez lib vnd Guot sol der Gemaind veruallen sin Vnd sol nyeman vff die ayde die Rich vnd arm gesworn hant dehain widerrede danch han es ist ouch gesetzt wa zwen burger oder me mit ainander zerwerfent mit schlahen oder mit schelten / Wenne denne ain Burgermaister oder zwen dez Ratz Sy vmb frid bitten den sullen sy ze baider sit vnurzo

F113-004r,06 genlich nit versagen vnd welher daz widert vnd frid verspricht / der sol vnd muoz ainen Manod von der stat sin alz dik daz geschiht / Vnd sol dennoch ir ieglicher die vnzuht die er begangen hat bessren alz gesetzt ist Wer ouch daz ain bruch oder ain stozz oder zerwurfnuzz geschehe zwischen ainem burger vnd dem andern So sol allermenglich der daz hoert oder sicht zuokeren vnd den stozz vnd den vs loff wenden vnd friden / Vnd wedra tail vnreht geuarn hett der sol gebessret werden alz der Rat oder der mertail dez Ratz ze rat wirt vnd wer dem andern ane dez Ratz haizzen hulffe oder zuoleity / der sol ouch gebessret werden alz der Rat oder der mer

F113-004r,07 tail dez ratez denne ze rat wirt Wir haben ouch vsser den antwerken vnd vsser der Gemainde zuo vns genomen die erberosten vnd die besten die wir vinden kunden die daz allez mit vns gelert ayd gesworn hant ze halten mE ist ouch gesetzt ob ain stozz bruch oder missehelling zwischen ainen burger oder dem andern geschech oder zwischen frunden oder geschlehten oder antwerken luten oder ainem antwerk / wenne sy denne daz gericht oder dez gerichtz botten oder zwen die dez Ratz sint vmb frid bittent So sol yetwedra tail frid geben acht tag / vnd wedra tail daz nit taet vnd frid verseity / der sol ain viertal jars von der stat sin / vnd sol denne der Rat in den acht tagen daruber sitzen vnd welh pene oder buozze sich denne der Rat darvber bedenkt oder welh richtung / dez sullen sy ze baider sit geuol

F113-004r,08 gig vnd gehorsam sin ane widerede / Vnd welher tail daz versprech vnd nit geuolgig wer der sol vnd muosse ain jar von der stat sin / Vnd sol dennoch div Gemaind vnd allermenglich dem andern tail zuo legen vnd be

F113-004r,09 holffen sin vnd den friden vnd schirmen es sol ouch vnd mag ob ain stoesse gescheche ain frund zuo dem andern louffen vnd sol der schidlich sin vnd vngevarlich werben welher aber ze freuelich gefuer der sol gebessret werden alz der mer

F113-004r,10 tail dez Ratz denne ze Rat wirt Wir haben ouch gesetzt Wa ain vsman yeman der hie ist gesezzen

Ez si frowe oder man phaff oder laye an lib oder an Guot widertrechtz mit worten oder mit werken an raichen oder an griffen wolt / daz sol daz gericht vnd die Raet vnd wer daz sicht oder hoert vnd alliv div gemaind wenden vnd dem burger beholffen sin vnd zuo leggen nach erkantnuoz dez mertail dez Ratz / daz kain gewalt noch kain vnrecht an Jm gescheche / Vnd sol sich dauon nieman der burger hie ist nit sundern noch schaiden / Vnd wer daz vber fuer der sol mainayd sin vnd sol dennoch darumb gebessret werden vber die ayde nach dem merentail dez Ratz erkantnuoz mE ist ouch gesetzt wa ain gast mit rede oder mit werken ainen burger in der stat missehandlot vnd daz an den burger bringet / Ist denne daz der gast von dem burger vnd von sinen helffern missehandlet vnd ge

F113-004r,11 zuchtgot wurde / die freuelnt damit nichtz gen nyeman ob daz der burger mit Erbern Luten moecht war gemachen vnd sol man ainem vssman in die stat gebieten in dem rechten alz ainem burger vs der stat es hant ouch die burger gesetzt vff die ayd die arm vnd Riche vnd aller

F113-004r,12 menglich gesworn hat wa ain vsman ainen burger hie in der stat an Luff vnd den schaden woelt da sol allermenglich zuo loffen wer daz hoert siht oder vernimpt vnd dem burger sin beholffen damit nyeman kain freuel ver

F113-004r,13 schulden sol noch mag Welh burger daz nit / daet / den sol vnd mag darnach vnd div sach denne ist der Rat oder der mertail dez Ratz bessren vnd büzzen alz sy ze Rat werden Wir die burger vom Rat die ietzo dez Ratz sint oder nach vns koment haben ouch zuo den hailigen gelert ayde vnser ieglicher gesworn daz wir aller sach die die stat an gand gemainlich vnd redlich handeln sullen Vnd haben ouch in dieselben ayd genomen wer ob yeman zuo vnser ainem oder me gieng vnd etwaz wurb oder trib daz nit gemain wer / daz sol ieg

F113-004r,14 licher vff den ayde den aynungern kunden vnd sagen / vnd waz der Rat oder der mertail dez Ratz darumb ze Rat wirt daz sol für gank han ane alle widerede Vnd welher vnder vns daz vber fuer vnd daz der Rat oder der mertail sich erkanten daz er vber varen hett / der sol gebessret werden alz der mertail dez Ratz denne ze Rat wirt vnd sol dennoch dez Ratz verstozzen sin vnd nymer me daran komen / Wir haben ouch zuo vns genomen vs den burgern die nit dez Ratz sint die wir wisten vnd erkanten die guot dazuo sint die dezzelben mit vns ouch gesworn hant ze halten man hat ouch gesetzt / Welh burger der ist er si dez Ratz oder nit sinen frund sinen Lantman oder sinen gast oder heren oder arm man ze vast vnd ze freuellich verspricht / daz den Rat dunkt daz er ez vnbillich vnd vnzitlich tue der sol vnd muozz ainen Manod von der stat sin vnd ain phund haller geben Wir der burgermaister vnd der Rat hie zu Vlme sint ze Rat worden vnd hant gesetzt durch sundern nutz vnd fromen der stat vnd ouch armer vnd Richer hie ze vlme daz dehain vnser burger noch antwerkman der dez Ratz hie ze Vlme ist die wile er daran gat vnd gan sol dehaines heren noch Edelmans Rat nit wesen noch an ir Rat nit gan sol vnd sullen ouch dieselben wile dehainen heren noch Edelman wie die genant sint noch ir knecht ze gesten nit enphahen noch haimen noch die gen vns noch vnser stat noch gen dehainem vnserm burger ze vast noch ze vil nit versprechen noch den zuo legen / Vnd daz sullen vnd wellen wir stet halten vff die ayd die wir vnd ouch arm vnd Rich hie ze Vlme gesworn haben / Ez wren denne gest die vsserhab dez landes her kemen die mag ainer wel ze gesten haben / dattun in die Georye anno dm{10} Mccclxxij man sol ouch wissen daz gesetzt ist Swa ain burger gen ainem vsman ane vmb guot / von ander stoezz wegen hasse oder vintschaft hat , Vnd so denne der vsman in die stat kumpt , vnd der burger daz vernimt so sol der burger gan zuo dem Burgermaister oder zuo etlichen dez Ratz vnd sol den sagen vnd kunden er hab hasse gen dem vsman welher der denne ist / Vnd sol si bitten gan zuo dem vsman vnd dem sagen ich hab hasse zuo im oder Er zuo mir / vnd in bitten daz er nicht me herin kum , E daz er sich mit mir verricht vnd versuene oder mich sicher sag Swenn daz dem vsman also geseit vnd verkundet wirt , Wil ez denne der vsman nit myden Er welle dennoch herin Riten oder gan / ane gelait vnd ane fride / Waz denne der burger dem vsman tuot vnd sin helffer daran freuel er nicht , Vnd welh burger dem vsman zuo legen woelt darinne wider sinen neben burger , der sol vnd muosse ain halp jar von der stat sin Wir haben ouch gesetzt daz der Burgermaister oder welher denne burgermaister ist an siner stat oder der Rat oder der mertail dez Ratz ainem ieglichen vssman von gult wegen wol frid vnd gelait in die stat geben mugen ainest oder zwirent ane dez clegers willen vnd wissent / Wil er aber furbaz me in die stat wandlen vnd sich mit dem cleger nit richten So sol im der burger

F113-004r,15 maister noch der Rat noch nyeman andre furbaz kain gelait me geben den mit dez clegers willen vnd wissent Ist ouch der vsman in den dingen daz er gelaitez begert vntz daz er sin sach durchet vnd vs getreit / vnd sich denne danach den geltern mainet entsagen vnd sich von der gegend ze ziehen / oder sich sunst mainet ze setzen an die stat da in nyeman genoeten mag / dem sol nyeman weder ainest noch kainest ane dez clegers willen frid noch gelait geben Es ist ouch gesetzt swelch burger zuo ainem vsman Ez sy herre phaff burger oder knecht von gult wegen ansprach hab vnd in der Burger darumb begert ze noeten oder ze phenden So sol man vor denselben vsman ze Red darvmb setzzen mit der burger botten oder brieff oder ob er die wil herin kem So sol man in selb ze red darvmb setzen vnd jm mit brieffen kunden oder selb vnder ougen sagen daz er sich mit den clegern Richt mit minne oder mit dem Rechten oder man hab den clegern erlobt daz er in noetten vnd phenden soelle wenne er furbaz in die stat kem oder wa er in yendert anderswa genoetten oder gephenden moecht vff Recht vnd sullen wir alle Gemainlich demselben dazuo Raten vnd helffen nach dez mertails dez Rates erkantnuoze Wir haben ouch me gesetzt wer die sint den fr den Rat vnd an den rat mit dez gerichtzbotten vnd der aynung gebotten wirt frowen oder mannen spat oder fruo vnd die nach der kundung an den rat nit kemen die wile der Rat wert , sy irr denne ehaft not , die sullen vnd muossen ainen manod von der stat sin / vnd wer div sach so heftig , wie sy denne der Rat oder der mer

F113-004r,16 tail zuo dem manod bessert , dez sullent sy ouch gehorsam sin / sy mugen vnd wellen sich denne

mit dem ayde entslachen daz ez in nit gekundet sy So sint sie dez mauls nichtz gebunden ze Tuond man mug sy denne vber komen mit zwain Erbern manne oder me es hant die burger ouch gesetzt wem die aynvnger fur sich gebietet vnd der nit kumpt der sol vnd muoz acht tag von der stat sin Er welle sich denne mit dem ayde davon nemen daz ez im nicht gekundet oder hie haim nit gewesen sy vnd wer ouch dem aynvnger nit gehoersam sin woelt der sol vnd muoz ouch acht tag von der stat Wir haben ouch gesetzt welhi die sint die dem Rat vbel Redent vnd den Rat zchent daz sy vnrecht Tuegen oder mainaid sien oder welhi die weren die dem Rat nit gehorsam sin woelten der sach die sy durch trive vnd durch guot ze Rat wurden welher da wider taette mit Worten oder mit werken vnd wa man der stukke ieglichs war moecht machen mit zwain Erbern mannen oder mit me So sol ain ieglicher der daz uerschult vnd daran funden wirt der muoz ain viertail Jars von der stat sin vnd ob div sache vnd div Rede so starch vnd so hefftig ist so sol in vnd mag in der Rat zuo dem viertail jars bessern vnd buossen alz der mertail dez Ratez ze Rat wirt dez er denne ouch ane alle gewerde gehorsam sin sol Ez wer denne daz der Rat sin Recht dafur nemen woelt dazuo haben wir ouch me gesetzt wer dem merentail dez Ratz nit ge

F113-004r,17        horsam wer der ding div den Rat zitlich duchte oder darvmb sich der Rat erkent welhiv pin oder puoz der Rat denne dem vngehorsame darunb schoepfet daz sol derselbe vnurzogenlich nach dez Rates haissen vollenden vnd Tuon welher aber dawider wer So sol der Rat vnd aliv gemeind vff die ayd die wir gesworn haben den vngehorsamen dazuo noetten zwingen vntz er dem Rat gehorsam wirt es ist ouch me gesetzt wenne ainem bessrung geschepfet wirt vnd welher denne sprech jm wer vnrecht beschehen vnd man hab in ze swer gebessert der sol darvmb gebessert werden alz sich der mertail dez Ratz darvmb erkenet Wir der burgermaister die Richter der Rat vnd alle burger gemeinlich / Rich vnd arm der stat ze vlme / veriehen offentlich vnd ainmuettelich / vnd Tuen kunt allen den die ietzo lebet / vnd die hernach kunftig werdent die den brief an sehent lesent oder hoerent lessen Wan wir lange zit vntz her in Etlichen sachen / wie ain man sins guotz gewaltig sol sin oder wie er daz sinen frunden oder durch siner selle willen ze ertailen verordnen oder ver

F113-004r,18        schaffen moecht / nit ainhellig sien gewesen / wie daz kraft vnd macht soelt vnd moecht han / Darvmb sien wir ietzo alle gemeinlich / Rich vnd arm mit guotem willen / vnd mit wolbedachtem sinne mit ainander / vberain komen wer der ist / der hie ze Vlme burger oder hernach burger wurde Ez sy phaff oder layer wib oder man alt oder jung / die ze iren tagen komen sint / vnd die nit Rechter lib erben hant / vnd die guot hant / ligitz oder varentz guot , aigen oder lehen oder wie daz gehaissen oder genant ist / daz die dazselb ir guot bi gesundem lib wol schaffen ordnen fuogen vnd geben mugent iren frunden oder andern Luten oder durch got oder durch ir sellehails willen / vnd die daz ze dem minsten / mit zwain Richter oder mit me besetz

F113-004r,19        ent verschribent oder verschriben haisent / daz daz allez kraft vnd macht sol vnd mag han / vnd daz dehain vnser Richter nit sin noch dawider nit ertailen sol / wan wie daz gemecht oder div ordnung besetz vnd wol fuert sy daz daz also belib / vnd woll fuert werd / ane allermenglichs widerrede Wer ouch daz ieman der hie ze Vlme burger wer oder der hernach burger wurde wib oder man alt oder jung der zuo sinen tagen komen wer vnd der nit Rechter lib erben het vnd der in siechtagen oder in krankhait viel oder an sin totbett kem vnd der sin guot . durch got oder durch siner sel willen oder sinen frunden oder wem er daz Gunndi ordnen schaffen oder fuegen woelt der sol vnd mag ze dem minsten zwen Richter oder ob ir me wer zuo im besenden vnd daz gemacht vnd die ordnung vor in Tuon vnd mit in besetzen vnd dunkt denne dieselben zwen Richter oder ob ir me wer vff die ayd die sy dem gericht gesworn hant daz der a oder die aselbe a person in der beschaidenhait vnd by iren sinnen alz wol vnd alz sinneclich sien so sol divselb ordnung vnd gemecht ouch kraft vnd macht han vnd doch also waz ain ieglich persone by gesundem libe also ordnet oder verschafft daz die denne an dem siechbett dehaines weges mindern noch werkern sol noch mag wan in der wise alz da denne verschriben vnd besetzt wirt Wa ouch daz wer daz ain man oder ain wibe die kind heten oder nit oder der ain witwer oder ain witwe weren oder nit vnd die an ir siechbet kemen daz die ir varent guot an dem Siechbett oder ob sy wend bi gesundem libe wol ze ertailen verordnen oder verschaffen mugent durch got oder durch ir selhails willen oder wem sy wellent vnd doch also daz sy daz ze dem minsten vor zwain Richtern oder vor me tuon vnd daz besetzen sullent vnd dunkt denne dieselben zwen Richter oder ob ir me wer vff ir ayde die sy zuo dem gericht gesworn hant daz derselb man oder wib in der beschaidenhait vnd alz wol by sinne vnd witzen sien So sol divselb ordnung vnd daz gemecht ouch Craft vnd macht han Vnd welh knab oder tochter ir guot also verschaffen woelten die sullen ze dem minsten alz alt sin vnd nit junger daz ist ain knab achtzehen jar vnd aines Manodes alt vnd ain Tochter sechzehen jar vnd ains manodes alt vnd welhi daz alter also hant der gemecht sol vnd mag ouch kraft han vnd ouch macht vnd sint ouch wol ze iren tagen komen der Burgermaister vnd die Ret grozz vnd clain sint gemeinlich ze Rat worden vnd hab ouch gesetzt durch Redlichs nutzes willen vnd ouch darvmb daz dez minder vnwillez hie sy oder vff stand also daz dehain burger hie ze vlme weder man noch frow noch nieman der burger hie ist Nu furbaz me von hivy disem tag dehain sin guot wie daz genant ist weder verschriben vermachen noch dehainerlay bewisung Ordnung noch gemecht nit Tuon sol weder sinem wip noch sinen kinden noch nieman andre Ez sy mit brieffen oder ane brieff wan daz er mit namen dar

F113-004r,20        an schriben vnd vs gedingen sol daz man die gelter voran sulle bezallen wer daz aber darvber taet der sol vnd muoz funff jar von der statt sin vnd funfzig phund haller geben vnd sol dennoch dazselb gemecht vnd verschri

F113-004r,21        ben kain kraft noch macht nit han in dehain wise vnd welh vnser burger er wer Richter oder nit / darvber dehain andern brieff besigelt der sol vnd muoz ain jar von der stat sin vnd zehen phund haller geben vnd daz



wellen wir stet haben vnd nit ab län vff die ayd die wir gesworn haben es ist ouch gesetzt wa ain man oder ain frow die Burger hie sintt vnd kind hant suen oder töchtran die zuo iren tagen nit komen sint wer zuo den stoesset E daz sy iren tagen koment ane vatter vnd ane mueter Rat vnd wissen oder ob sy vatter noch muoter nit anhant vnd zuo in stosset ane ir nechsten frund Rat Wer daz Tuot oder daz schaffot getan der sol vnd muozz funff jar von der stat sin vnd dennoch waz daz kind guotes hat Ez sy aygen oder Lechen ligendes oder varendes guot daz sol Endriv gewistergit an fallen hat Ez aber nit gewistergit So sol Ez ander sin frunde an gevallen ane widerRede der burgermaister vnd der Rat vnd alle burger Gemeinlich hie ze Vlme sien ze Rat worden vnd hant gesetzt waz ain Jeglicher zunftmaister hie ze vlme vnd sin vndertan Gemeinlich oder besunder ainander versproch

F113-004r,22 en verhaissen oder vertroost heten oder wider ainander gesetzt heten von ains zunftmaisters wegen ze kiessent vnd ze wellent oder daz sy dez yemen vnder in sicher heten geseit daz daz allez gentzlichen ab sol sin vnd daz ain ieglicher hie ze vlme sin sol bi sinem zunftmaister by dem er billich sin sol alz daz mit gewonhait her komen ist vnd daz dehain zunftmaister noch dehain ir vndertan dehainer slacht Teding gesetzt trostung noch geding furbaz machen noch han sullen ainer zunftmaister ze nement vnd ze wellent wan daz ain jeglicher vff den ayd vs setzen vnd niemen sol vngewarlich vsset ain jeglicher zunft der in allerbest dazuo dunkt nieman ze lieb noch ze laid noch vmb dehainerlay sach wer daz vber fuer oder welher also gewarlich mit Gedingde hindan gesundret vber hebt vnd vs gesetzt wurd der sol vnd muoz ain jar von der stat sin vnd zehen phund haller geben Wer ouch daz ieman in ainer zunft nit fugti ze sin vnd vnder ain ander zunft woelt der sol vor offem Rat ze den hailigen swern daz er Ez darvmb tuee daz er furcht daz man in ze zunftmaister nemend werd vnd wenne er daz gesweret So mag er denne wol in ain ander zunft komen Welh burger ouch von der stat varn worlt vnd dem hie mit fugty ze beliben der sol fur den Rat gan vnd sol sprechen ir heren mir fuogt nit lenger hie ze sin darvmb bedrachten waz div stat schuldig sy daran wil ich waz mich an geburt minen tail vngewarlichen gerne Richten Vnd wer daz tuot Ez sy frowe oder man vnd den burgern git oder verburget waz an in geburt Vnd ob siniv zil vs sint der vert wol sin strass ane irrung der burger wa er wil Oouch hant die burger gesetzt darunb welher vnser burger burgrecht vff geb oder sich sus von der stat zwg vnd sich derRat erkanti daz ez in widerwertikait geschen wer der sol dehain sin guot wie daz genant ist daz in dem zehenden ist gelegen geit dehainem vsman deweder versetzen verkumben noch verkouffen noch den nit fügen noch geben . Vnd alz vil ouch dez guotz aigen wre daz sol er von dehainem heren noch Closter noch von nieman er si Gaistlich oder weltlich ze lehen nit machen noch von dem ent

F113-004r,23 pfähen noch daz nit schaffen getan in dehain wise Vnd sol dazselb allez sin ligend guot danach in jars frist dem nechsten vnsern ingessen burgern ze kouffent geben wer daz aber daruber tet oder daz also nit verkoufte so sol dazselb allez sin Guot der statt gemeinlich gentzlich veruallen sin Vnd sölle dennocht der oder dieselben die daz also getan vnd vber faren hetten in dis statt nymmer me komen . Es hant ouch die burger gesetzt wer ainen manod hus heblich hie sitzet der sol vnd muoz sturen vnd dienen alz ain ander burger hie vnd danach alz sich der Rat denne Erkennt Der Burgermaister der Rat vnd mit den der alt Rat sint alle Gemeinlich mitainander vberain komen vnd hant gesetzt welch burger hie ze vlme er si Rich oder arme gewaltig oder vngewaltig burgRecht vff gebe oder vff santi mit sinem botten oder brieffen oder selb vnder ougen vnd Sich der Rat oder der merrer tail dez Ratz hie ze vlme erkanti daz er daz darvmb . tet oder getan hett daz er dem Rat vnghehorsam woelt sin oder durch krieg oder durch widerwertikait willen in welh wise daz wer der oder dieselben ir wer ainer oder me sullent danach in funf jaren den nechsten gen vlme in die stat nymer komen noch in den selben funf jaren wider ze burger durch kain not noch durch dehain sach nit genomen noch enphangen sol werden vff die ayd die wir alle arm vnd Rich ainander gesworn haben vnd welh vnser burger er wer arm oder Rich gewaltig oder vngewaltig der da nach wuerbi oder stalti mit Worten oder werken daz derselben dehainer in denselben funf jaren wider ze burger enphangen soelt werden oder wider in die stat solt komen der sol vnd muozz ain halb jar von der stat sin vnd zehen phund haller geben Wir haben ouch gesetzt welh burger hie ze vlme frowe oder man burgrecht vff geben wil der sol fur den rat gan vnd sol sprechen ir heren mir fuogt hie nit ze sin vnd bitt iuch daz ir burgrecht von mir vf nemen So sullen noch mugen wir von dehainem burgrecht vf nemen noch ledig lassen . E daz derselb burger ez si frowe oder man den burgern gericht vnd geben hat dry stur alz vil er der Jungsten mit baren hallern oder mit guoten phanden Vnd welher daz also tuot der vert den wol sin srasse wahin er wil ob siniv Jar vs sint Vnd wenn sich der furbaz ainen manod in der stat enthalt der sol ouch den sturen vnd dienen alz ander burger vnd sien ouch demselben nichtz gebunden ze versprechen deweder an ir lib noch an ir Guot den nach gastezrecht ez si den daz daz er sin marktrecht wider enpfähe man sol ouch wissen swelch burger oder burgrin sin guot git oder verkouffet daz in der stur ist gelegen vnd in dem zehenden kloster München phaffen oder nunnen der sol vnd muozz von iedem phund alz daz guot ist geben funff schilling haller geben vnd sol der kouff oder daz geben kain kraft han vnd wer daz guot nisset der sol Ez ouch verdienen vnd versturen Ouch haben wir gesetzt wer der ist ez si man oder frowe jung oder alt der hie ze Vlme erzogen vnd der stat kind ist / Vnd der hie ze Vlme ist oder sin wil / der sol sturen vnd dienen vnd alle ander sach halten liden vnd tuon alz ander vnser mitburger nichtz vs genomen , Welher daz nicht oder nit tuon wolt der sol vsset der stat vnd vz dem zehenden sin vnd darin nymer komen noch gelassen werden , Er hab ez den vor gelopt vnd verhaissen ze tuond vnd ze haltend actun fria se{10}da an{10} bartholomej anno lxxvij a{10}.1et77 . es wart ouch gesetzt von dem Rat Wer der ist der dehain sin guot wie daz guot gehaizzen ist ainem ze kouffent git oder versetzt ez si vor Richtern oder sunst vnd denne danch zuo vert vnd dazselb guot ainem andern git oder versetzt fur ledig vnd fur loz / Vnd ainen also effet , wer der ist der daz tuot der sol vnd muozz ain Jar von der stat sin vnd zehen phund haller geben hat er aber der haller nicht So sol er

alz lang von der stat sin vntz er die haller bezalt hat Wir haben ouch gesetzt daz kain Rechner noch nieman andre der stet guot nienan geben sol ane dez Ratz willen denne daz der stat ding ist vnd die burger Gemeinlich an trifft ane alle gewerde Es ist ouch me gesetzt wer nach der Gemeind guot stelt mit worten oder mit werken wider dez Ratz vnd der Gemeind willen daz ain phund vergelten mag der sol vnd muoz zehen phund haller geben vnd ain halb jar von der stat sin ist aber div sach alz grozz waz in denne der Rat dazuo haisset Tuon daz sol er Tuon ane widerrede es ist ouch dazuo gesetzt wer der ist frowe oder man der burger guot nimpt daz ains schillings wert ist der sol vnd muoz von iedem schilling ain phunt geben me ist gesetzt wer der ist frowe oder man die ir guot durch ir selle willen geben oder gebent daz sullent sy in jars frist oder ir erben an die Rechner bringen vnd den sagen wa sy daz guot hin geben haben also daz ez in der stur belib alz ander guot Wer daz nit tut der sol vnd muoz alz vil daz guot wert ist von iedem phund funf schilling geben es ist ouch gesetzt welher burgerzuo ainem vsman er sy herre phaff burger oder knecht von gult wegen ansprach haben oder in der burger darvmb begert ze noeten oder ze phenden So sol man vor denselben vsman ze Red darvmb setzen mit der burger botten oder brieff oder ob er die wile herin kem so sol man in selb ze Red darvmb setzen vnd im mit brieffen kunden oder selb vnder Ougen sagen daz er sich mit dem clager Richt mit minne oder mit dem Rechten oder man hab dem clager erlobet daz er in noetten vnd phenden sulle wenne er furbaz in die stat kumpt Wir die burger haben ouch gesetzt wan vns von kungen von kaisern soelich genad geben vnd erschaint ist daz wir gewalt vnd Recht haben vff dem lande ze noetten vnd ze phenden vmb Redlich gult vnd vmb an der Redlich sache vff Recht darvmb haben wir gesetzt welch burger ze vlme jeman phendet mit vrlob des burgermaisters oder dez Ratz vnd der daz mit denselben Ez sy der Rat oder der burgermaister fur bringen mag der freult damit nit vnd ob der oder sin helffer darvmb an ge

F113-004r,24 raicht wurden die sullent mit kainer vrtail damit nieman nichtz veruallen noch schuldig werden es hant ouch die burger gesetzt daz nieman dehains biderben mans kind nichtz lihen noch Geben sol von Bossens vnd spiles wegen weder vff burgen noch vff phand noch vff erben noch jm selber nit sol ab gewinnen welher aber daz tet der hat daz gantzlich verlorn vnd sol den

F113-004r,25 nocht gebessert werden alz der merrer tail dez Ratz ze Rat wirt es sol ouch nieman den andern vs Schloeffen denne derselber vnbe

F113-005r,01 twngelich vs schluffet es sol ouch nieman den andern vahn von spils noch kugluns wegen ane daz gericht Wer daz daruber taet sol vnd muosse darunb gebesseret werden nach dez mertails dez Ratz erkantnisse Wer ouch ainen todschlag furbaz tuot der sol vnd muoz funff jar . von der stat vnd vsserhalb dez zehenden hie ze vlme sin vnd da

F113-005r,02 zuo funffzig phund haller geben in die stat alz vnser aynung stat welher aber der wer der in den funff jaren oder E Er div funffzig phund gebe in die statt oder in den zehende hie ze vlme keme alz dike er daz tet oder alz menigen tag er darinne wer alz dik sol der oder die selben die daz getan heten von iedem tag nach den funff jaren ain viertail jars von der stat vnd vsserhalb dez zehenden sin alz vnser aynung stat Wer ouch der wer der ainen in der stat oder in dem zehenden hie ze vlme huset oder haimet der ainen todslag getan hett / alz menigen tag er denselben huset oder haymet also sol er oder dieselben die daz getan heten oder teten alz dik sy daz tuont so sullent sie von iedem tag ainen Manod von der stat hie ze vlme vnd vsserhalb dez zehenden sin vnd dazuo der stat hie ze vlme ain phund haller geben bi dem Ersten so hant sy gesetzt wer der ist der ainen todslag Tuot oder ainen wundet oder suenst so groeslicht frevelt davon er fluchtig wirt in welhes huse der fluchet oder entwiht wenne daz gericht denne hinnach kumpt vnd in darvmb wachen oder straffen wil in welhes hus er denne also komet er sy arm oder Rich So daz gericht dar kumpt vnd an klaphot So sol man im tur vnd Tor vff tuon Vnd welher daz nit tuot der sol funffzig phund haller verschuldet han ze geben wer aber daz er ez alz gewarlich verzweg daz er nit vff tuon woelt waz denne in der mertail dez Ratz zuo den funffzig phunden hiezz tuon daz sol er ane widerrede gehorsam sin ze Tuond / tette aber Ez ainer der der funffzig pund haller nit Enhetti den sol daz gericht heimen vnd waz man dez sinen ergriffen mag / vnd waz an den funffzig phunden ab gieng So sol er vnd sin wip vs der statt sin vntz sy der funffzig phund haller gantzlich gewert hant es hat der Rat gesetzt wenne Ez daZuo kumpt daz ainer ainen gast oder Riffian hie Ersluog vnd der der den todslag tet zwgnuzz laiten wolt also daz er fur bringen wolt daz derselb den er Entlibt hett ain Riffian oder ain gast wer vnd Ez an in het bracht der sol die zwgnuzz an den Rat bringen in den nechsten acht tagen nachdem vnd der tod ist den er erschlagen hat vnd dunkt denne den Rat oder den merrer tail daz div zwgnuzz alz Redlich sy daz sol er geniessen alz vnser gesetzt lang geschriben ist / brecht er aber die zwgnusse in den acht tagen an den Rat nit So sol noch mag er furbaz nichtz erzivgen vngewarlich es hant die burger gesetzt daz man dehainen vsman noch vsfrowan ze burger nit enphachen sol durch dehain sach denne der sich in die stat mit wesen setzen wil vnd der sturen vnd alle ander dienst tuon wil alz ain ander gesezzner burger vnd sol der verburgen nach der stet Recht funff jar hie sin alz die Rechner zitlich dunkt ist aber der burger so furnamme So sol er verburgen alz den Rat zitlich dunkt mit der beschaidenhait wa er sich von der stat zivg äne Eheft not E sich die funff jar ergangen hetten / oder nit taetten noch tuon woelt alz ain ander nebenburger So sol vnd muoz er ouch der stat geben daz er verburget hat es hant die burger gesetzt welch gast an ainen burger hie ze vlme ichtz ze sprechent hat darvmb Er glaublich brieff oder burgen hat die der borgschaft anelouenber sint oder daz mit Richtern besetzt wer So sol der burger dem gast von soelichen sachen die also dazuo kemen Rechtes gestatten vnd ist jm der gast von solchen sachen dehains Rechten hie ze vlme gebunden vnd sol jm ouch nit ertailt werden Me ist ouch gesetzt swelch burger der sy arm oder rich dehain Raise dien

F113-005r,03 ot dehainem vsman Er sy here oder knecht oder arem man ane burgermai

F113-005r,04 sters oder der an siner stat ist oder dez Rates oder der merra tail dez Rates gunst vnd willen der sol vnd muozz von der stat sin ain viertail jars es ist ouch gesetzt welch burger der sy arm oder Rich hie ze vlme ieman vswendig der stat phendet ane dez burgermaisters oder der denne burger

F113-005r,05 maister an siner stat ist oder ane dez Rates oder dez meren tail dez Rates gunst vnd willen der sol vnd muozz vierzehen tag von der stat sin es hant ouch die burger gesetzt daz ain jeglicher der pin verschuldet hat dieselben schuld bessern vnd buessen sol alz darvmb gesetzt ist vnd niemen dem andern dehain sundre bessrung sol tuon es hant ouch die burger gesetzt wer ainen in sinem hus schlecht der sol vnd muozz ain viertail jars von der stat sin oder in dem hus daz er verzinset dazselb vnd waz dem von dem huswirt geschicht der verfelt daran nicht in dehainen weg Wir haben ouch gesetzt wer den andern freuelich haim suocht vnd daz er mit dem Rechten nit vnschuldig mag werden der sol vnd muozz ain viertail jars von der stat sin Wir haben ouch gesetzt daz kain burger ze Vlme Rich oder arm noch nieman andre von iren wegen vff die ayd die Rich vnd arm geschworn hant zuo dem amansampt ze vlme durch kain sach noch durch niemans furdrung noch haissen nit komen sol noch sich vnder winden der jetzo burger ze vlme ist oder hernach burger wirt oder welcher burger burgRecht vff gebe der sol dennoch dazuo nit komen noch sich vnder winden wer daz vber fuer der ist bruchig an sinem ayde vnd sol vnd muozz funff jar von der stat sin vnd sullen wir alle Gemeinlich Rich vnd arm vff die ayd die wir geschworn hant ainander beholffen sin daz nemen ab tribe vnd ouch nit ab terben werde dazuo hat ouch der Rat gesetzt wenne man vs ziehen wil daz denne ain burgermaister welcher der ist spilen vnd dienen sol alz ain ander burger vnd er gewin oder verlier wez denne der Rat oder der merertail dez Ratz ze Rat wirt daz er belib oder var daz sol denne furgank han dazuo haben wir ouch gesetzt daz wir dehainen vnsern burgermaister fur nement senden wellen durch niemans bitt wan da er dezzelben tages wider her

F113-005r,06 hain komen mag ane allain von vnser selbs sache wegen mugen wir in wol senden der burgermaister vnd der Rat vnd alle burger Gemeinlich Rich vnd arm sint ze Rat worden vnd vberain komen wenne ez dazuo kumpt nun oder hernach daz man mit der stett baner ze velde zivcht daz ain jeglich antwerkman by sinem zunftmaister sol beliben vnd bestan vnd sullent ouch die zunftmaister mit iren vndertan vnd ouch alle burger die nit der zunft noch der antwerk sint by vnser aller Gemeinem burgermaister vnd by den haupt

F113-005r,07 luten die denne ie dazuo geben sint beliben vnd bestan welcher daz nit taet der sol gebessert werden nach dez merren tails dez Ratz erkantnisse es hant die burger durch Gemeinen nutz gesetzt waz ain jeglich burger von sin selbs sach ze tuond oder ze schaffen hat ist daz der begert der burger botschaft dem sol man si nit versagen Er sol sy aber solber verkosten ane der burger schaden / dattum in vigilia Michahelis anno dm{10} M ccc lxiij Welcher ouch geuangen wurd widerRechtz den sol ouch vff den ayd nieman hoecher loesen denne den heren vmb ain schilling haller vnd den knecht vmb achtzehen haller vnd wer den andern lozty oder welher sich selber lozty hoecher oder turer der sol in diz stat numer me komen vnd sol da

F113-005r,08 zuo allez sin guot der stat veruallen sin vntz an dez Ratz Genad der burgermaister vnd Der Rat hant gesetzt vnd sint ze Rat worden wenne man ain botschaft von vnser stat senden vil von dem mer

F113-005r,09 ertail dez Ratz vnd den er denne erwelet ze Riten Ez sy ver oder nach Er si burger oder antwerkman der sol Riten welher daz nit tet der sol vnd muozz ain jar von der stat sin vnd hundert Guldin der stat geben vnd sullen vnd wellen daz halten vff die ayd die arm vnd Rich geschworn hant alz lang den Rat dunkt daz daz nutz vnd guot si oder wez sich der Rat erkent . Wir die Ratgeben von der Gemeinde die jetzo dez Ratz sint oder nach vns koment veriehen offenlichen daz wir Sunderbar durch zucht vnd durch frids willen vnser jeglicher ze den hailigen ainen gelerten ayd geschworn hat daz wir alle sach Gemeinlich handeln sullen vnd nieman sunderlichen nichtz zuo legen helffen noch gestan denne daz gemeinlichen zitlich vnd Recht ist vnd alz verr sich vnser gewissen dez wiset vnd leret vnd welher vnder vns daz vber fur daz der Rat oder den merertail sich entstunden vnd Erkanty daz schuld da wre der sol gebessert werden nach der schuld alz der merrertail dez Ratz ze Rat wirt vnd sol ouch dez Ratz ewechlich verstozzen sin der burgermaister vnd die Ret grosse vnd klain hie ze vlme sint Gemein

F113-005r,10 lich ze Rat worden vnd vberain komen vnd hat gesetzt durch Gemein

F113-005r,11 en nutz vnd fromen der stat vnd ouch armer vnd Richer hie ze vlme daz dehain muller hie ze vlme noch nieman der div lehen vnd die aigen

F113-005r,12 schaft der mulinen hie ze vlme sint Nuo furbaz me dehainem bekken noch nieman anders nichtz lihen noch geben sullen noch dings kouff geben noch burg werden noch dehainerlay geding noch sach in dehain wise mit in nit an gesetzen tuon noch haben sullen noch nieman andre von iren wegen darumb daz sy bi in in iren mulinen vnd lehen malen vnd kern brechen oder malen haissen welher daz daruber Tet oder schueff getan oder ieman andre von iren wegen der sol vnd muozz alz dik daz be

F113-005r,13 schech oder alz menig phund haller daz wer von iedem phund haller funff schilling geben vnd ain jar von der stat / ouch hant ietzo alle muller vnd alle die der div lehen vnd die aigen der mulinen hie ze vlme sint vnd die den Metzen selber nemen ze den hailigen gelert aid sweren daz gesetzt ze halten vnd var vnd stet ze haben / Vnd welher ouch hernach muller wurde der den metz

F113-005r,14 en selber nem oder ieman von sinen wegen der sol daz vergeschriben gesetzt ouch sweren ze den hailigen daz ze halten Es hand die burger gesetzt wer gevarlich nachtz vf dez andern schaden wisen oder Eker tribet der sol vnd muozz von iedem haupt alz dik daz geschicht funff schilling haller geben vnd von ainem grossen haupt oder von

klain

F113-005r,15 em Vnd welem ouch sin vich ane sin wissen oder siner knecht vff ains schaden gat der sol halb alz vil geben Ez si nachtes oder tags vnd sol ienen dennoch sinen schaden ab tuon der ouch in dem zehenden dem andern in sinen akker baisset oder sus mit muotwillen dardurch Rittet der sol vnd muoz funff schilling haller geben vnd alz dik daz geschech dez muoz acht tag von der stat sin vnd muoz der Eschehaie swern Es hant die burger gesetzt wer dem andern sin Tuben vahet mit ainem netz der sol vnd muoz ain phund haller geben vnd ain Manod von der stat hie ze vlme sin es hant die burger gesetzt wer andern in sinen Garten bongarten oder zunen dehainen schaden Tuot oder an sinen akkern der sol vnd muoz ain phund haller geben vnd ainen Manot von der stat sin vnd wen man darjnne ergriffet waz dem geschicht der frevelt damit nit es hant die burger gesetzt daz kain mertzler hie ze vlme dez fritags nach Mittemtag vnd dez samstags vor Mittemtag nichtz kouffen sullen in dem zehenden von vsluten vnd gesten durch gewinnes willen waz Essendiger sach ist ez sien huenr kese ayger smaltz ops oder ander solicher frucht noch melwe vff dem markt wan alz vil daz ain Mertzler vmb den andern wol koufen mag in der stat / Wer aber daz vber fur alz dik daz gescheche der sol vnd muoz funff schilling haller geben vnd acht tag von der stat sin ane vs genomen habern vnd salz daz mugen sy wol kouffen Factun in die Galli anno lxxiiij es hant die burger gesetzt daz kain Mertzler noch nieman andre vber

F113-005r,16 ale in der stat ane in bungarten oder in Garten dehainer schlacht frucht kouffen sullen durch gewins willen noch dehains wegs haimen sullen welher daz vber fur alz dik daz geschech der sol vnd muoz funff schilling haller geben es hant die burger gesetzt daz ain burgermaister vnd die ainvnger welchey ain

F113-005r,17 unger sint alle wochen ainost oder zwuren oder me ob ez not wer nachtz boese Lut suchen sullen wa si sich versehent in husern ir wonung ze haben vnd wen die aygnunger zuo in bittent daz sy in dez beholffen sien die sullen daz vnurzogenlich tuon bi funff schillingen hlen vnd wa sy hand an legent oder zuo welchem hus sy koment da sol man vor in tur vnd Tor vff tuon oder sy sullen daz hus stossen vnd wen sy darjnne Ergriffent der schedlich wer den sullen sy haimen vnd die ainunger vnd ir helffer freuelnt damit nit da

F113-005r,18 zuo sullen sy ouch die wacht besechen Wir haben ouch gesetzt wer der ist der in ains winschenken hus hie ze vlm trinket vnd der ane dez wirtz willen vnbezalt vzz gat so sol der wirt enmornund oder so er denselben erst an komen mag zuo im gan vnd sol sprechen gilt mir minen win den du mir vff tragen hast so sol er in vnurzo

F113-005r,19 genlich bezaln oder aber mit dez wirtz willen vber werden Tet er dez nit bringt ez denn der wirt fur die aynunger so sol vnd muoz derselb der also vn

F113-006r,01 berait ist vss gangen acht tag von der stat sin vnd v sz haller geben vnd sol dennoch den wirt bezalen . Es hant ouch die burger gesetzt daz die aynunger aller wuchlich ainost daz brot besechen vnd beschowen sullen vnd sullen die ainunger ze ieder wochen so sy daz brot besechen wend zwen maister der bekken welhi sy wend zuo in nemen vnd die sullen daz tuon ainen manod ane widerRede vnd welher verluset daz brot daz sol man in daz spittal den siechen senden / Welcher daz nit Tett noch tuon wolt der sol vnd muoz acht tag von der stat sin vnd funff schilling haller geben vnd welcher ainen manod daz tuot der sol dazselb jar davon ledig sin vnd welher verluset der git funff schilling haller wert brot es ist ouch gesetzt welch bekk ane furbekken der burgerGemaind brot benk ainen nit bestat allain selb ander oder selb dritt wenne der denne brot bachten ze vailem Markt daz sullen die andern bekken die die Gemaing stet bestanden hant Melden vnd den andern sagen vff die terwe die sy dar

F113-006r,02 vmb an aines Rechten ayds stat geben hant oder wa Ez der Rat oder die aynunger innan werdent der sol vnd muoz alz dikk daz gescheche ain pund haller geben es hant ouch die burger gesetzt swelch bekke ze Markt stat mit veilem brot vnd von den burgern kain stat bestanden hat Er hab denne selb ain aigen stat der sol vnd muoz ain halb jar von der stat sin vnd ain phund haller geben E er wider in die stat kumpt es hant ouch die burger gesetzt daz neman mit dehainem Raigen durch die brotlouben noch durch die brotlouben varen sol wa daz aber geschech So sol ir ieglicher an dem Raigen ain Manod von der stat sin vnd ain phund haller geben Vnd der den Raigen lait der sol vnd muoz zwen Manod von der stat sin vnd zwai phund haller geben vnd sol ir ieglicher in die stat noch in den zehenden nymer komen E daz sy den burgern dazselb gelt bezalt haben es hant die burger gesetzt daz kain burger mit dem andern dehain Gemainschaft mit mulstainen nit han sol vnd daz man die mul

F113-006r,03 stain in den widen vail sol han alz von alter her komen ist wer daz vber vert der sol vnd muoz zehen phund geben vnd ain halb jar von der stat sin es hant die burger gesetzt daz dehain noch niemen ze vlme nit me vichs sol han alz hernach geschriben stat wer mit ainer gantzer menin / buwet der sol driv Rinder vnd Sechs schauff han wer mit ainer halben menin buwet der sol zwai Rinder vnd Sechs schauff han / Wer ain hus hat der sol Rind vnd vier schauff han / wer ouch gehus ist der sol ain Rind oder vier schauff han / vnd nit me / Wer aber me vichs het der sol vnd muoz von ie dem haupt funff schilling haller geben alz meng wochen er daz hat Wer ouch dehain slacht gelt er sy gast oder burger daz nit gerecht ist her bringt der sol vnd muoz von iedem phund ouch funff schilling haller geben vnd danach alz sich denne der merrertail dez Ratz erkent es hant die burger gesetzt daz nieman vff kain niwe hoffstat ze swaikoven nichtz buwen sol deweder lutzel noch vil noch daz kain man noch nieman sin hoffraitin nit merren sol mit niuwem buwe lutzel noch vil oder wer ouch dehainen nuwen burger ze swaikowen haimet wer der stuk aller dehains vber fur der sol gebessert werden alz sich der merertail dez Ratz Erkent er burgermaister vnd die Ret hant gesetzt daz nyeman hie ze Vlme nuu furbaz nymerme dehainen vs schutz an dehainem sinem buwe altem noch niuwem nit machen noch buwen sol welher daz aber daruber taet der sol vnd muosse xl Guldin geben Vnd dazselb dennoch wider ab brechen actun f{10}ia sexta an{10}



Michl{10} anno lxxvj Wir haben ouch gesetzt daz die stetRechner welhi denne stetrechnen sint alle vnzitlich buwe vber ale in der stat besachen besorgen vnd versehen sullen daz der stet kein der Gemaind guot von iemen widerrech geheimot werden vnd wa sy daz iendert markten wistent oder sehen daz sullen sy ver dem Rat kunden vnd sagen vnd sullen die Rechner ditz jar vnd alz sy Rechner sint der stat bumaister sin vnd die stat buwe allenthalben ord

F113-006r,04           nen vnd besachen vnd wie sich der Rat oder der merer tail dez Rates dar

F113-006r,05           vmb bedenk daz sol beschehen mE haben wir gesetzt wer dem andern schuldig ist ain phund haller der stat wrung oder me vnd daz der oder dieselben von iren geltern den sy schuldig sint beclagt werden nach der stet Recht vnd in dennoch nit bezallen vil So mag der cleger daz sagen vnd bringen an die aynunger vnd die sullen in denne fur sich vnd fur den Rat gebietten vnd besenden vnd den haissen schweren ze den hailigen daz er den cleger bezal in ainem Manod dem nechsten tet er dez nit daz er denne vs der stat vnd vsser dem zehenden var vnd darin nymerkomen noch in den zehenden Er hab denne vor den cleger bezalt er jm schuldig ist vnd welcher fur die aynung noch fur den Rat nit kem noch komen woelt So jm also by der aynung gebotten wirt den sol vnd mag der burgermaister vnd daz gericht haymen vnd wem ain burgermaister zuo jm ruoffet der sol jm ane widerRede dez beholffen sin vnd welher daz nit tett der sol vnd muozz ainen manod von der stat sin vnd ain phund haller geben me haben wir gesetzt daz der Rat oder ain burgermaister besunder ain jeglich phand daz an dem gericht Erclagt wirt Ez sien huser aker Garten oder ander Ligendes guot wol vierzehen tag lenger fristen vnd vff halten sol daz daz nit vergang nach den acht tagen alz durch Recht solt vergan ouch mag er er varendiv phand fristen acht tag vnd nit lenger nach den acht tagen alz Ez vergan solt So mag Ez denne nieman furbaz fristen vnd sol vergangen sin Ez sy denne mit dez clagers willen Wir haben ouch gesetzt wenne ain zivgnusse fur gericht kumpt vmb welch sach daz ist von mannen oder von frowen vnd den ainen tail dunket daz div zivgnusse nit Redlich sy vnd der begert an ainer vrtail ze eruaren ob man die zugnusse nit billich an den Rat bringen sulle So sullen sich denne die Richter die da ze gericht sint vff die ayd die sy zuo dem gericht gesworn hant Erkenne vnd vrtail sprechen ob div zug

F113-006r,06           nusse vor gericht furgang haben sulle oder ob man Ez an den Rat bringen sulle vnd wez sich denne die Richter darvmb Erkennet daz sol von baiden tailen furgang han vnd so denne div zivgnusse fur den Rat kumpt So sullent die Richter an der gezivgnusse jeglichem sunderbar eruarn waz in vmb die sach kunt sy vnd waz sich die Richter nach der zivgnusse sag vff ir ayd erkennen daz sol von baiden tailen furgank darvmb haben c es ist ouch gesetzt welch sach fur den Rat kumpt die armen oder me an gat die dez Rates sint oder frunde der die dez Rates sint So sol derselb oder dieselben die div sach an gat vs dem Rat gan vnd daby nit sin vntz der Rat die selben sach vs gerichtet alz sy denne zerat darvmb werdent vnd ob er selber nit vs gieng vntz daz zwen oder me vmb die sach gefragt wurden der sol vnd muozz acht tag von der stat sin vnd funff / schilling haller geben Ez wer denne daz in der Rat wider in hies gan es hant die burger gesetzt daz man ainem jeglichen burgermaister von der stat ains jars die wile er burgermaister sol sin nit me geben sol denne viertzig Guldin vnd sol ouch kain burgermaister von nieman dehain

F113-006r,07           en Ratschatz nemen by der pen alz ander burgeremer vnd sol man dehainem burgermaister nit me geben vnd wer ouch ze burgermaister erwelt wirt der sol daz nit versprechen by hundert phunden haller man mag jm wol minder geben denne viertzig Guldin der burgermaister vnd der Rat sint ze Rat worden vnd hant gesetzt daz man alle Eschehaien hie ze vlme Endren vnd verkern sol vnd daz kain eschehay furbaz me nit lenger by dem Eschehayen ampt beliben sol denne zwai jar vnd wenne div zwai jar ie vs komen so sol man in ie aber verkern es hant ouch die burger gesetzt daz kain Rechner noch dehainer der dez Ratz ist deweder mit wagen noch mit karren in der stat dienst vnd buwe fueren sol vnd sol ouch nieman in der stettdienst vnd buwe varen ane dez burgermaister vnd dez Ratz vort vnd haissen wer daz vber fuer von Rechner oder von andern Luten der sol vnd muoz ain phund haller geben Es ist ouch gesetzt / daz der Me hat der Rat gesetzt / alz der Rat vor lang ze Rat ist worden daz ain yeglicher der pen verschuldet der von der Statt / sol varn der sol vnd muozz von acht tagen funf schilling haller geben . von vierzehen tagen zehen schilling von ainem Manod ain phunt / . von ainem viertail iars drin phund von ainem halben iar oder von ainem gantzen iar aber driu pfunt / . Vnd sol daz yeglicher tuon vff den aid den er schwerent wirt E er in den zehenden wider kumpt . Ez hant / die burger gesetzt welher ainung verschult . daz ain yeglich aynunger bi siner aynung vnd alz lang er aynunger ist . demselben kunden vnd sagen . sol waz in ze pen gesetzt ist vff den aid den ain ieglich aynunger zuo der aynung swert vnd sol denner der schuldig die pen voll furen nach der kundung in den naechsten acht tagen bi der pen . alz vor gesetzt ist . vnd darnach alz sich der Rat erkennet Me ist ouch gesetzt wer ainen slecht ane gevaffet hant der muozz ouch ainen Manot von der stat sin wer ouch ainen in daz hor wirfet freuelich an offem merkt oder slecht der muozz zwen manot von der stat sin beschicht Ez aber suns in ainer Gassen vnd nit an dem markt So sol er ainen Manod von der stat sin / an dem Markt zwifalt pen vmb alle sach Wer ouch swert oder Messer vber den andern zukket der sol ainen Manod von der stat sin Wer ouch den andern wondet daz ain fliessendiv wund ist der sol vnd von der statt sin Wer ouch ainen bedivbet vnd ain ainen divb haisset der sol vnd muozz vierzehen tag von der stat sin Wer ouch den andern schiltet der sol vnd muozz acht tag von der stat sin der ain gesessner burger hie ze vlme ist es hant ouch die burger gesetzt wer den andern Liegen haisset daz sich der Rat Erkennet oder die aynunger Erkennet daz Ez freuelich ge

F113-006r,08           schen ist der sol vnd muozz acht tag von der stat sin Wwer falsch wurffel oder geblit wurffel tret vnd damit vmb gat der sol vnd muozz ain halb jar von der stat sin vnd danach alz lang alz denne der Rat ze Rat wirt die burger sint me ze Rat worden wer ainen haisset ainen morder vnd der daz beweren mag mit Erbern Luten der sol vnd muozz

ainen Manodt von der stat sin / eez ist ouch gesetzt daz man ain jeglich ainung ain jeglicher selb drit Erber lut frowen oder man vber komen sol vnd muozent die ze den hailigen sweren daz sy die aynvng gehoert vnd gesehen haben ee ist gesetzt daz man alle Monat alz vor gesetzt ist zwen aynunger dez Ratz nemen sol vngewarlich nach ainander vngevarlich vntz sich daz an dem Rat ergangen hat vnd sullen dehain zwen nit furbaz genom

F113-006r,09 en werden denne zuo ainen maul vntz sich der Rat gar ergangen hat Wir der burgermaister der Rat vnd alle burger gemainlich haben gesetzt welch burger oder burgrin Ez sy arm oder Rich ainen knecht oder maegt dingot vnd den winkouff git woelt denne derselb knecht oder divselb magt ane Vrloub von ir herschaft gieng vnd den winkouff wider gebe So sol vnd muozz derselb knecht oder Magt die den winkouff also wider geben oder ane vrloub von ir herschaft schieden / die sullen vnd muossen ain jar von der stat sin vnd ain phund haller geben vnd wer dieselben also huset oder haimet ez wer knecht oder Magt alz dik daz geschach vnd alz dik er daz acht tag tuot in demselben jar der sol funff schilling geben / wen ez jm verkundet wirt es ist ouch gesetzt waz der antwerklut ist daz jederman vff die ayde die wir gesworn haben sinem hauptman vnd dem burgermaister vnd dem Rat gehorsam sullen sin vnd waz der burger hie ze vlme ist die der Ret nit sint die sullen ouch dem burgermaister vnd den Reten gehorsam sin ane widerRed / vnd sol ouch dehain antwerk Dehain gesetzt ane det Ratz wissen vnd haissen Wir han ouch gesetzt welch burger Rich oder arem gewaltiger oder vnge

F113-006r,10 waltiger der vngeschriben artikel nit gehorsam sin moelt oder welch burger von disen gesetzten dem andern fintschaft vnd has wagen tragen woelt So sullen wir alle Rich vnd arm vff die ayd die Rich vnd arm ge

F113-006r,11 sworn hant ainander beholffen sin daz ain jeglicher burger vnd die haft dazuo sint von disen gesetzten vintschaft entladen werden vnd daz ouch die vngehorsamen die wider disen gesetzten wren mit worten oder mit verken die sullen gebessert vnd gestraffet werden nach dez mer

F113-006r,12 en tail dez Ratz Erkantnusse Ouch hant die burger vff die aide gesetzt daz kam zunftmaister noch kain antwerk nieman in ir zunfft entpfahen sullen er hab denn vor burgrecht entpfahen wer daz vber fure der sol vnd muozz v lben ze pen geben vnd ain halb jar von der statt sin es hant ouch die burger mit gemainem Rat gesetzt daz der Rat noch die statrechner nyeman dehain markrecht nit lyhen sullen noch daz die zunftmaister noch dehain ir vndertan nyeman ir zunftrecht noch ir zunft nit lihen noch darin nit enphahen sullen wan der ain jeglicher ain harnasch haben sol daz acht phund haller wol wert sy Vnd welher daz vber fur der sol vnd muozz ainen Manod von der stat sin vnd ain phunt haller geben Wir haben ouch gesetzt vnd wellen ouch daz daz also belib vnd gehalten werde daz nyeman hie ze vlme dem andern dehainerlay harnasche ze phand nit geben noch nieman sol deweder mit gericht noch sus noch daz nyeman nichtz daruff deweder lihen noch geben sol weder Juden noch Cristan Vnd wer daz vber fur der sol vnd muozz daz vmbsus wider geben vnd ledig lassen vnd sol dennoch darumb gebessert werden nach dez mertails dez Ratz erkantnuzz wan wir ie by vnsern ayden wellen daz allez harnasch aller sach frye sol sin es hant ouch die Raet vnd die burger Gemainlich gesetzt wa oder alz dik daz nuo furbaz geschach hie ze vlme da kinden ir vatter von tod ab gand daz denselben kinden der rat pfleger geben sol vnd mag / ez sy von iren frunden oder von andern Luten / alz sy denne ie dunkt damit div kind versorget syen / vnd doch also daz dieselben pfleger dem Rat derselben kind guot alle zit geschriben geben sullen vnd davon aller ierlichen dem Rat ainest wider raiten vnd wider rechnun sullen waz sich dazselb guot ie gemerot oder gemindert habe vnd wer dawider wer oder taet ez wrenfrund oder ander lut die sullen darumb vestlich gestraffet vnd gebessert werden nach dez merren tails dez Ratz erkantnusse / Wa ouch daz wre da ietzo kind hie ze vlme wren die pfleger hetten vnd daz an den Rat koeme vnd bracht wurd daz man in mit irem guot nit redlich vmb gieng vnd in daz ane wurd / denselben kinden sol vnd mag der Rat ouch wol ander pfleger geben in dem vorgeschriben rechten dazuo haben wir ouch me gesetzt daz wir nyeman von dehaines wothers noch phantschaft wegen noch von kainer gult wegen darjnn sich der Rat entstat / daz sich vff woher zivcht / Nuo furbaz me nichtz beholffen darumb wellen sin daz nuo fur sich hin geschicht actun f{10}ia sexta an{10} Jacobj anno lxxvj Wir der burgermaister der Rat vnd wir alle burger Gemainlich Rich vnd arm der stat ze vlme / Tuoen kunt allermenglich mit disem brieff daz wir alle Gemain

F113-006r,13 lich durch sunder nutz vnd fromen armen vnd richen hie ze vlme vberain komen sien vnd gesetzt haben / Welch burger hie ze vlme er sy arme oder riche yemantz burg wurd vff laystung von welchen sachen daz wer oder wie sich daz fuoty oder wie sich der ze laysten verschriben oder verbunden hett wenne denne derselb oder dieselben darumb gemant werdent ze laysten daz denne ain ieglicher gebunden ist ze laysten noch nit mer laisten sol wan ieglichs tags ain maul vnd dazuo an dehainem Sunnentag an dehainem vnsern herren noch vnser frowen vier hochzitlichen tagen noch an dehaines zwelff botten tag noch an dehainen andern gebannen wirtagen vngewarlich sol nyeman nichtz gebunden sin ze laysten / vnd welch burger ouch ze vlme hie wer der in me lay

F113-006r,14 stung gemant wurd denne in ain der sol nit me gebunden sin ze laysten wan dem ersten von dem er gemant ist vnd wenne derselb vsser der laystung erst kumpt oder davon ledig wirt So sol er denne ie aber dem nechsten von dem er gemant wrd denne aber laysten in dem vorgeschriben rechten / Vnd sol also ain ieglicher mit ainer laystung allen den von den er gemant wer nach vnser stet Recht genuog getaon vnd gelaystet haon vnd sol jm ouch nit anders ertailt werden ze laysten wan alz vor geschriben stat ez sullent ouch vnd muget alle gest laysten hie ze vlme alz daz von alter der stet recht ist vnd gewonhait ist gewesen ane alle gewerde Vnd dez allez ze ainem waren vrkund haben wir vnser aller Gemains jn sigel gehenkt an disen brieff der geben wart an dem nechsten Mentag vor vnser frowen tag alz siv geborn wart do waren von Cristz geburt drivzehen hundert jar vnd in dem ainenvndSybentzigstem jar Wir der burgermaister die

Richter der Rat vnd alle burger Gemeinlich Rich vnd arm stat ze vlme sien alle Gemeinlich vnd ainheliclich mit ainander  
vber